



Fehoahoaniga ki ni mea aogā e manakomia

E ūno mafai e te Work and Income ke fehoahoani atu, e tuha pe ko koe e faigāluega

Kāfai koe e hē mafai ke faigāluega i te taimi nei, pe kua hē i ēi hau gāluega, pe kua taigole nā itūlā e faigāluega ai koe

- E ūno mafai ke maua hau tupe penefiti pe ko iētahi fehoahoaniga tau tupe mai te matāeke tēnei.
- Kāfai e faigatā iā te koe ke totogi tō pale pe ko au pili, e ūno i ei ni fehoahoaniga e maua mō koe - e tuha pe ko koe koi faigāluega pe taigole tau tupe e maua i te gāluega.
- E mafai foki e ki mātou oi fehoahoani atu ke hakili hau gāluega pe ko ni kōhi, ma fehoahoani ke totogi ni mea e manakomia e koe mo te kamataga o hau gāluega fōu.

Kāfai koe e tauale pe manakomia he taimi ke hē gālue ai koe ona ko te COVID-19

Kāfai na fai hō hiakiga o te COVID-19, e tāua lahi lele koe ke nofo i te pale ke maua mai ū lipoti. Kāfai e hē mafai koe ke faigāluega i te pale, e ūno mafai e tō pule gāluega ke apalai ki he fakatupega e igoa ko te **Short-Term Absence Payment** ke fehoahoani ki ei ke totogi ai koe.

Kāfai ko koe na fakatonu atu ke nofo kehea auā ko koe pe ko he tino nae eva tafapili koe ki ei e maua i te COVID-19, kae e hē kē mafaia oi faigāluega i te pale, e ūno mafai e tō pule gāluega oi apalai ki te **Leave Support Scheme** ke fehoahoani ke totogi pea ai koe e ia.

Talanoa ki tō pule gāluega āgai ki nā fehoahoaniga e āvanoa kae ke mafai ai lava koe ke totogi. Kāfai koe e **faigāluega mo koe lava** mā e hē kē mafaia oi faigāluega i te pale, e māfai foki koe ke apalai mai ki nā fakatupega iēnei.

Kāfai e manakomia hō fehoahoani ki ni pili e tatau ke totogi

E lahi lelei na auala e ūno mafai ai ki mātou ke fehoahoani atu ki ā te koe ma tō kāiga, fakatatau lava ki te tūlaga e i ei ai koe. E hē vēake e tatau ke i ei hau penefiti ke maua atu ai hō fehoahoani, e āvanoa foki mo nā tino e hē lahi ū lātou totogi. E ūno mafai e ki mātou oi fehoahoani atu i nā auala iēnei:



Mō ni iētahi fakamatalaga

E tuha lava pe mafaufau koe ko koe e hē ūno maua hō fehoahoani tau tupe, telefoni mai oi talanoa ki te tūlaga e i ei koe. E mafai foki koe ke fano ahiahi te kupega workandincome.govt.nz ma filifili te 'Check what you might get' (Hīaki pe fia tau tupe e ūno maua).

Mō ni iētahi fakamatalaga

Fano ki te workandincome.govt.nz

Telefoni mai ki mātou i te numela **0800 559 009**,
7am ki te 6pm Aho Gāfua ki te Aho Falaile ma te 8am ki te 1pm, Aho To'ona.

